

# 11 - KUUMBWA KWA AJILI YA KITU BORA ZAIDI



1

Jinsi ya Kuridhisha Tamaa Yako Ya Ndani.



2

Ipo hadithi ya mwanabaiolojia, Thomas Huxley, aliyekuwa amewasili katika jiji akiwa amechelewa hali akitarajiwa kutoa mhadhara. Alirukia gari ndogo ya abiria, ambayo wakati huo ilikuwa ni gari ya kukokotwa kwa farasi, na kisha akapaza sauti yake kwa mwendeshaaji, Kasi sana!



3

Mwendeshaaji akavuta kamba sawa sawa kwa utii na gari likawa likienda likirukaruka katika mitaa kwa kasi sana. Huxley aliyeshikwa na kihoro aliketi kitini pake kwa sekunde moja, huku akiridhika vikubwa, kisha ghafla akasimama kwa kugutuka. Akaita, Sikia, sikia unajua ninakotaka kwenda?

La, mheshimiwa, Mwendeshaaji alijibu, Lakini naendesha kwa kasi kadiri niwezavyo.



4

Watu wengi kiasi cha kushangaza wapo kwenye kasi siku hizi. Kuna mengi yanayoendelea katika maisha yao. Daima wanakwenda mahali fulani kwa kasi. Lakini ukweli ni kwamba, wengi sana kwa kweli hawajui wanakokwenda; hawajui wapi maisha yao yanakoelekea.



5

Ni kwa sababu hii Mungu anatoa wito Wake wa mwisho katika kitabu cha mwisho cha Biblia, Ufunuo. Katika sura ya 14, fungu la 7, mtume Yohana anaita ulimwengu unaosubiri kuja kwa Yesu katika maneno haya.....



6

(Fungu: Ufunuo 14:7)

....Mcheni Mungu, na kumtukuza, kwa maana saa ya hukumu yake imekuja;

# 11 - KUUMBWA KWA AJILI YA KITU BORA ZAIDI



7

Msujudieni yeye aliyezifanya mbingu na nchi na bahari na chemchemi za maji.

Ufunuo 14:7.

Lakini kama unayo ramani ya mji wako na unajaribu kuifuata ili kupata mahali, na ramani yako haiko sahihi, inafanya tofauti kubwa!



8

Msjudie nani? Msujudieni Yeye aliyezifanya mbingu na nchi. Msujudieni Muumbaji wa kila kitu. Mungu anatualika tupunguze mwendo ili tutafakari juu ya mahali tuendapo.

Tunapoelewa ya kwamba tuliumbwa na Mungu, inatupatia hisia ya kutambua kwa nini tupo hapa na tunakwenda wapi.



9

Lakini leo, watu wamesahau ya kwamba Mungu ni Muumbaji wa ulimwengu, ulimwengu wetu, na kila kitu na kila aliye ndani yake.

Baadhi ya watu husema waweza kuamini Biblia bila mashaka yoyote kabisa. Wengine husema huwezi. Ni nani aliye sahihi?



10

Leo, mamilioni wanafikiri tunatokana na uibukaji tu. Baada ya miaka mabilioni tulikuwa toka kwa chembe hai moja moja hadi kuwa wanyama wa baharini kisha kuwa wanyama wa nchi kavu hadi kuwa wanadamu.

Wanafikiri kila kitu kilitokea kwa nasibu tu au kwa ajali tusiyoielewa sawasawa.



11

Lakini je, wajua ya kwamba Mungu alitupatia ishara ya kazi Yake kama Muumbaji wetu?

Alitupatia kitu ambacho kingetukumbusha kila juma ya kwamba alitumba, dunia yetu au ulimwengu?

Kama Biblia ni ya kweli, uzima wako wote wa milele unategemea kama unaamini na kuikubali. Kile unachokiamini kuhusu Biblia kinafanya tofauti yote katika yale unayoamini juu ya Mungu.

# 11 - KUUMBWA KWA AJILI YA KITU BORA ZAIDI



12

Kwa kweli, alitupatia huu ukumbusho wa kila juma pale pale mwisho wa juma la Uumbaji. Lakini karibia dunia nzima imesahau huo ukumbusho ni nini.



13

Na bila ya ukumbusho huo, wengi wamesahau ya kwamba Mungu ndiye aliyeuumba ulimwengu. Hivyo katika wakati wetu tunatuma watu kwenda mwezini kutafuta vidokezi vionyeshavyo jinsi gani dunia yetu ilianza.



14

Tunazama mbali katika anga kwa kutumia darubini zenye nguvu, tukitafuta vidokezo vionyeshavyo jinsi gani ulimwengu ulianza. Hivyo hebu tuangalie kitabu hiki kikuu-Biblia-kiitwacho pia Neno la Mungu-na tuone kama twaweza kupata kithibitisho kionyeshacho kama ni kweli au la-kama yaweza kuaminiwa au la.



15

Kwa nini jitihada yote hii na gharama-shauku kali hivi ya nini? Kwa sababu tunahitaji majibu kwa maswali yetu yaliyo makubwa zaidi. Je, tupo wenyewe katika ulimwengu? Tulifikaje hapa? Kwa nini tupo hapa? Na tunakwenda wapi? Hivyo utafiti unaendelea. Bado pamoja na hayo yote, majibu yapo hapa hapa mbele yetu. Lakini sisi ni dunia ambayo imesahau-hatukumbuki tena tulikotokea!



16

Kwa ulimwengu ambao umesahau, Mungu anasema, Kumbuka-kumbuka ya kwamba Mimi ndiye Muumbaji wako. Na ili kukusaidia kukumbuka, nimekupa dalili - ishara!



17

Katika wakati huu wa historia uibukaji unapofundisha ya kwamba sisi ni matokeo ya nasibu, Mungu anasema, Hukuibuka-Nilikuumba wewe!


# 11 - KUUMBWA KWA AJILI YA KITU BORA ZAIDI



18

Lakini baadhi waweza uliza, Ni ishara gani hii au alama inayotukumbusha ya kwamba Mungu alituumba?


Je, unakumbuka tulipojifunza juu ya kile Mungu alichoumba kila siku ya juma la Uumbaji?



19

(Fungu: Zaburi 33:8,9)

Uumbaji ulikuwa wa kushangaza! Aliufanyaje-na tena kwa haraka kiasi hicho? Biblia inatoa jibu: Nchi yote na imwogope BWANA, Wote wakao duniani na wamche.



20

(Sabato) Maana Yeye alisema, ikawa; Na Yeye aliamuru, ikasimama.


Zaburi 33:8,9



21

Hatuwezi kuelewa ni vipi, lakini Mungu aliweza kuvifanya vitu vyote vikawepo kwa Neno Lake. Neno la Mungu, liwe limenenwa, limeandikwa katika Biblia linauwezo wa kuumba na lina nguvu!

Makubaliano haya yanaweza tu kuelezewa na utambuzi ya kwamba Mungu alitoa Kitabu hiki kwetu ili aweze kuwasiliana nasi mapenzi yake.



22

(Fungu: Mwanzo 2:1)

Basi mbingu na nchi zikamalizika, na jeshi lake lote. Mwanzo 2:1.



23

Katika siku sita Muumbaji aliufanya ulimwengu ukawepo, akauvisha vichaka na miti, maua na mito.



24

Alileta mwanga wa jua na machweo ya kuvutia na mwezi unaopendeza kuangalia wakati wa usiku.



# 11 - KUUMBWA KWA AJILI YA KITU BORA ZAIDI



25

Lakini bora kuliko yote, Aliumba watu wawili wakamilifu. Ni heshima y a ajabu kiasi gani! Kuumbwa katika sura ya Muumbaji! Waliumbwa kuwa watawala juu ya dunia na vyote vilivyokuwamo



26

(Fungu: Mwanzo 1:27)  
Mungu akaumba mtu kwa mfano wake, kwa mfano wa Mungu alimwumba.  
Mwanzo 1:27.



27

Lakini, Mungu alikuwa hajamaliza bado! Alikuwa na jambo moja zaidi alilotaka kulitenda. Angalia kwa makini kile Biblia inachokisema kilitokea siku iliyofuata-siku ya saba ya uumbaji:




28

(Fungu: Mwanzo 2:2-4)  
Na siku ya saba Mungu alimaliza kazi yake yote aliyoifanya;



29

akastarehe siku y a saba , akaacha kufanya kazi yake yote aliyoifanya.




30

Mungu akaibarikia siku ya saba, akaitakasa kwa sababu katika siku hiyo Mungu alistarehe, akaacha kufanya kazi yake yote aliyoiumba na kuifanya.



31

Hivyo ndivyo vizazi vya mbingu na nchi zilipoumbwa.  
Mwanzo 2:2-4.



32

Mungu pekee aweza kufanya kitu kuwa kitakatifu, na Biblia yasema Aliitakasa siku ya saba.

# 11 - KUUMBWA KWA AJILI YA KITU BORA ZAIDI



33

Kutakasa kitu fulani ni kukiweka pekee kwa matumizi matakatifu.

Mungu aliiweka Sabato pembeni ya siku zingine zote.

Iliwekwa pembeni kama takatifu - ikiwa imetakaswa kikamilifu kwa ajili yake.

Wapo baadhi ya watu ambao wanashangaa - siku inafanya tofauti gani? Labda kielelezo hiki kitasaidia.



34

Kwenye harusi mwanamke mmoja hutakaswa kwa ajili ya mwanamume mmoja. Hebu tuseme ni siku yako ya harusi. Umesisimka sana. Umeitazamia siku hii kwa muda fulani.



35

Hebu tuseme yule mkeo mtarajiwa anao dada sita. Wakati wa sherehe ya harusi mwanamke mmoja anaunganishwa na mwanamume mmoja. Anawekwa pembeni. Yeye hapo si tena mmoja kati ya saba. Anatakaswa. Anawekwa wakfu kwa mumewe katika ndoa.



36

Habari gani kama baada ya ndoa, mmoja kati ya dada za mkeo akisema, Kwani kuna tofauti gani? Mmoja kati ya saba anafaa. Yeyote kati ya dada saba ni sawa tu kama mwingine.

Ungesemaje? Je, kuna tofauti?



37

Je, habari gani wewe Mama, inaleta tofauti yoyote kwa bibi harusi?

Hakika!

Kama mume, ungesema, Bibi harusi wangu alichaguliwa, akatakaswa, akawekwa pembeni, wakfu kwa ajili yangu!

Hivyo Mungu alichukua siku ya kawaida, yenye masaa 24 - siku ya saba - aliichagua, akaitakasa, akaiweka pembeni, wakfu kwa ajili yake Mwenyewe. Sabato imebarikiwa, ni siku ambayo imetakaswa. Kufuatana na neno la Mungu, si siku yoyote bali siku ya saba.

# 11 - KUUMBWA KWA AJILI YA KITU BORA ZAIDI



38

(Fungu: Marko 2:27,28)

Basi, Yesu akawaambia, Sabato iliwekwa kwa ajili ya binadamu na si binadamu kwa ajili ya Sabato! Basi, Mwana wa Adamu ni Bwana hata wa Sabato pia.



39

Kwa hiyo, Mwana wa Adamu ni Bwana pia wa Sabato. Marko 2:27,28.



40

Mungu alitupatia Sabato ili kwamba tuwe na muda wa kukumbuka ya kwamba hatukuibuka tu. Mungu alimuumba na vyote vinginevyo katika ulimwengu wa ajabu kwa siku sita!

Huu ulipaswa kuwa wakati mtakatifu ambapo binadamu na Muumbaji wake wangepanya upya maagano yao ya upendo na ibada pamoja kila juma. Kila juma, binadamu alipaswa kukumbuka ya kwamba Mungu aliumba mbingu na nchi kwa siku sita na kupumzika siku ya saba.



41

Mungu alimuomba mwanadamu akumbuke wakati aliandika kwa kidole chake mwenyewe ile sheria. Amri ya nne iko katikati ya ile Sheria takatifu ya Mungu

Alimwambia mwanadamu akumbuke siku hii, kwani katika siku sita alikuwa ameumba nchi, bahari, na chemchemi za maji.



42

Kama Sabato ingekuwa imetunzwa wakati wote kama kumbukumbu ya Uumbaji, kusingekuwa na muumini wa uibukaji, mpagani, au asiyeamini leo. Wangukuwa wamekumbushwa kila juma juu ya mizizi yao na uhusiano wao na Muumbaji wao! Dhambi ilipoendelea kuongezeka juu ya nchi, mwanadamu alisahau alipotokea na kwa nini alikuwa hapa na alikuwa akielekea wapi.

Wakati hili lilipotokea, alisahau pia jinsi gani apaswa kuishi.

# 11 - KUUMBWA KWA AJILI YA KITU BORA ZAIDI



43

Ulipofika wakati wa Musa, watu wa Israeli walikuwa wamekaribia kusahau kabisa juu ya Mungu wao. Walikuwa wamezamia katika kuabudu miungu iliyotengenezwa na mwanadamu!



44

Mungu kwa muujiza aliwaokoa toka kwa adui zao na kuwaongoza kupitia katika jangwa katika njia ya kwenda kwenye Nchi ya Ahadi. Katika jangwa, alitenda mambo mawili ili kuwaonyesha kile alichotaka wakifanye kihusianacho na Sabato ya siku ya saba aliyokuwa amewaumbia katika juma la kwanza la historia ya dunia hii.



45

Kwanza, Mungu aliwakumbusha ya kwamba aliwajali na kwamba aliwaongoza toka Misri. Wasingeweza kubeba chakula cha kutosha. Mara walianza kunung'unika kwa sababu walikuwa wameishiwa. Hawakuonekana kushukuru miujiza yote na wema ambao Mungu aliwaonyesha, lakini Mungu mwenye upendo alitoa chakula kwa ajili yao!



46

(Fungu: Kutoka 16:4,5)  
Ndipo Bwana akamwambia Musa, Tazama, mimi nitawanyeshea ninyi mvua ya mkate kutoka mbinguni;



47

Na hao watu watatoka nje na kuokota kila siku sehemu ya siku;



48

ili nipate kuwajaribu, kwamba watakwenda katika sheria yangu, ama sivyo.  
Kutoka 16:4  
Mkate unaonenwa hapa unafahamika zaidi kama mana.



# 11 - KUUMBWA KWA AJILI YA KITU BORA ZAIDI



49

Kisha itakuwa siku ya sita, ya kwamba watayaandaa hayo watakayoyaleta ndani,



50

nayo yatakuwa ni mara mbili kuliko wayaokotayo kila siku.  
Kutoka 16:5



51

(Fungu: Kutoka 16:6)  
Musa na Haruni wakawaambia wana wote wa Israeli,



52

Jioni ndipo mtakapojua ya kuwa BWANA amewaleta kutoka nchi ya Misri.  
Kutoka 16:6




53

Mana ilikuja usiku umande ulipotanda. Asubuhi baada ya umande kupotea mana ilikuwa ikiifunika nchi.

Watu walitoka na kuikusanya masaa ya mapema asubuhi na ilipofikia adhuhuri mana iliyokuwa imesalia ilitoweka.

Lakini subiri-tambua kilichotokea katika siku ya sita ya juma:



54

(Fungu: Kutoka 16:21,22)  
Basi wakaokota asubuhi baada ya asubuhi, kila mtu kama ulaji wake ulivyokuwa;



55

Na jua lilipokuwa kali, iliyeyuka.

# 11 - KUUMBWA KWA AJILI YA KITU BORA ZAIDI



56

Basi ikawa siku ya sita wakaokota kile chakula sehemu maradufu, kila mtu pishi mbili;



57

Na wazee wote wa mkutano wakaenda na kumwambia Musa.



58

(Fungu: Kutoka 16:23)

Ndilo neno alilonena BWANA kesho ni starehe takatifu, Sabato takatifu kwa BWANA;



59

Okeni mtakachooka, na kutokosa mtakachotokosa; na hicho kitakachosalia jiwekeeni kilindwe hata asubuhi.


Kutoka 16:21- 23.



60

(Fungu: Kutoka 16:25,26)

Kuhusu siku ya saba: Musa akasema, Haya, kuleni hiki leo; kwa kuwa leo ni Sabato ya BWANA; leo hamtakiona nje barani.



61

Siku sita mtaokota; lakini siku ya saba ni Sabato, siku hiyo hakitapatikana.'  
Mafungu 25, 26.



62

Watu wengi walitenda kama Mungu alivyoamuru, lakini baadhi ya watu walitoka siku ya Sabato ili kukusanya mana.

Tazama alichokisema Mungu juu ya hilo!



63

(Fungu: Kutoka 16:28-30)

BWANA akamwambia Musa, 'Mtakataa kuyashika maagizo yangu na sheria zangu hata lini?

# 11 - KUUMBWA KWA AJILI YA KITU BORA ZAIDI

## 11 - KUUMBWA KWA AJILI YA KITU BORA ZAIDI



64

Angalieni, kwa kuwa BWANA amewapa ninyi hiyo Sabato, kwa sababu hii huwapa siku ya sita chakula cha siku mbili;



65

Kaeni kila mtu mahali pake, mtu awaye yote asiondoke mahali pake kwa siku ya saba.'



66

Basi hao watu wakapumzika kwa siku ya saba. Kutoka 16:28-30.



67

Sabato ilisimikwa wakati wa uumbaji na iliadhimishwa na watu wa Mungu kabla hawajafika Sinai, mahali Mungu alipowapatia Amri Kumi.



68

Katika mwezi wa tatu wa safari ya Kutoka Misri, Mungu aliwaleta watu kwa Mlima Sinai, na pale akatokea kwa Musa na kumpa ujumbe ili aupeleke kwa watu:



69

(Fungu: Kutoka 19:5,6)  
Sasa basi ikiwa mtaitii sauti yangu kweli kweli, na kulishika agano langu,



70

hapo ndipo mtakapokuwa tunu kwangu kuliko makabila yote ya watu; maana dunia yote pia ni mali yangu.



71

nanyi mtakuwa kwangu ufalme wa amani, na taifa takatifu.

# 11 - KUUMBWA KWA AJILI YA KITU BORA ZAIDI




72

Hayo ndiyo maneno utakayowaambia wana wa Israeli.  
Kutoka 19:5,6.



Mungu alikuwa ametoa zawadi ya neema kubwa kwa watu wake.

Kama wangetii Sheria zake na amri, wangekuwa watu wa pekee na taifa takatifu! Moja ya zile amri ilitolewa ili kuhakikisha ya kwamba watu wake hawasahau kamwe uhusiano wao na Muumbaji. Kwa kweli, inaanza kwa neno 'kumbuka'.



74


(Fungu: Kutoka 20:8-11)

Ikumbuke siku ya Sabato uitakase. Siku sita fanya kazi, utende mambo yako yote;




75

lakini siku ya saba ni Sabato ya BWANA Mungu wako, siku hiyo usifanye kazi yoyote,




76

wewe, wala mwana wako, wala binti yako, wala mtumwa wako, wala mjakazi wako, wala



77

mnyama wako wa kufuga, wala mgeni aliye ndani ya malango yako. Maana kwa siku sita BWANA alifanya



78

mbingu, na nchi, na bahari, na vyote vilivyomo, akastarehe siku ya saba;



# 11 - KUUMBWA KWA AJILI YA KITU BORA ZAIDI



79

Kwa hiyo BWANA akaibarikia siku ya Sabato akaitakasa. Kutoka 20:8-11.



80

Sabato ipo katikati, ama ni kiini, cha zile kanuni kumi.

Siku ya Sabato ni kumbukumbu ya uumbaji.

Ni ya zamani kama dunia yenyewe!

Mungu anaahidi watu wake baraka nyingi kama wakimtii na kukumbuka siku yake ya uumbaji.



81

Kama ukiugeuza mguu wako usihalifu sabato, usifanye anasa yako siku ya utakatifu wangu; ukiita sabato siku ya furaha,



82

na siku takatifu ya BWANA yenye heshima; ukiitukuza, kwa kutokuzifanya njia zako mwenyewe,



83

wala kuyatafuta yakupendezayo, wala kusema maneno yako mwenyewe,



84

ndipo utakapojifurahisha katika BWANA....  
Isaya 58:13,14

Kama mtu angeikumbuka siku ya kumbukumbu, matatizo mengi anayoyakabili leo - Mungu

kusahauliwa, maisha yasiyo na maana, tatizo la kujijua mwelekeo - yote yangetatuliwa.

Kusingelikuwa na waumini wa uibukaji!



85

Lakini inasikitisha kusema, Watu wa Mungu walisahau. Walisahau kumuabudu Yeye katika siku yake takatifu na,

# 11 - KUUMBWA KWA AJILI YA KITU BORA ZAIDI



86

haikuchukua muda walianza kuabudu miungu wa vijiti na mawe.  
Walipoteza mwonekano wa mizizi yao!



87

Kulikuwa na uamsho wa utunzaji wa Sabato wakati katika karne kadhaa wakati manabii wa Mungu walipoita watu wamrudie Mungu Muumbaji. Isaya alisisitiza ya kwamba Mungu kamwe hakukusudia kuifunga Sabato kwa Wayahudi pekee.




88

Sabato ilisimikwa kabla ya taifa la Kiyahudi kuwepo. Mungu hakuzuia mibaraka ya namna hiyo kwa taifa moja pekee.




89

(Fungu: Isaya 56:6,7)  
Anaalika kila mmoja, kila mahali kukumbuka na kuitunza Sabato pamoja naye. Kila aishikaye Sabato  
.....




90

Nitawaleta hao nao hata mlima wangu mtakatifu, na kuwafurahisha katika nyumba yangu ya sala;




91

...Kwa maana nyumba yangu itaitwa nyumba ya sala kwa mataifa yote.  
Isaya 56:6,7.



92

Hakuna mahali katika Biblia ambapo siku ya sabato huitwa Sabato ya Wayahudi.  
Yesu aliweka wazi ya kwamba ni siku kwa ajili ya wanadamu wote wakati aliposema,



93

(Fungu: Marko 2:27)  
Sabato iliwekwa kwa ajili ya binadamu na si binadamu kwa ajili ya Sabato!

# 11 - KUUMBWA KWA AJILI YA KITU BORA ZAIDI



94

(Fungu: Kutoka 20:10)  
Na Mungu akasema, ..Siku ya saba ni Sabato ya BWANA, Mungu wako...  
Kutoka 20:10.



95

(Fungu: Mathayo 12:8)  
Yesu alisema pia ya kwamba Yeye ni Bwana wa Sabato. (Mathayo 12:8) kwa sababu ndiye aliyeiumba.



96

(Fungu: Ufunuo 1:10)  
Ndiyo maana Yohana wa Ufunuo aliiita Siku ya Bwana.  
Ufunuo 1:10.  
Sabato ni zaidi ya kumbukumbu ya uumbaji na Muumbaji.  
Ni ishara kati ya Mungu na mwanadamu.



97

(Fungu: Ezekieli 20:20)  
Zitakaseni Sabato zangu; zitakuwa ishara kati ya mimi na ninyi,



98

mpate kujua ya kuwa mimi ndimi BWANA, Mungu wenu. Ezekieli 20:20.  
Yeye aliyefanya Sabato kuwa takatifu wakati wa juma la uumbaji ndiye huyo huyo afanyaye wadhambi kuwa watakatifu.  
Muumbaji wetu ndiye pia Mwokozi wetu!



99

(Fungu: Ezekieli 20:12)  
Tena naliwapa Sabato zangu, ziwe ishara kati ya mimi na wao,



100

wapate kujua ya kuwa mimi, BWANA, ndimi niwatakasaye.  
Ezekieli 20:12.

# 11 - KUUMBWA KWA AJILI YA KITU BORA ZAIDI



101

Sabato iliwekwa kabla dhambi haijaingia hapa Duniani, na pia itaendelea kusherehekewa baada ya dhambi kuondolewa toka Duniani.



102

(Fungu: Isaya 66:22,23)

'Kama vile mbingu mpya na nchi mpya , nitakazofanya, zitakavyokaa mbele zangu,' asema BWANA,



103

ndivyo uzao wenu na jina lenu litakavyokaa.



104

Na itakuwa, mwezi mpya hata mwezi mpya, na sabato hata sabato,



105

wanadamu wote watakuja kuabudu mbele zangu, asema BWANA.  
Isaya 66:22,23.



106

Milele zote, watu wa Mungu watasherehekea Sabato kwa kumheshimu Yeye kama Muumbaji na Mwokozi. Kama Sabato ilisherehekewa kabla dhambi haijaingia Duniani, na itasherehekewa wakati dunia itakapofanywa upya, je haileti maana kusema ni muhimu watu wa Mungu waisherehekee sasa?



107

Kama tunayo maswali yoyote kuhusu Mungu na Sabato, twaweza kuangalia jinsi Yesu alivyoshughulikia swala hilo.



# 11 - KUUMBWA KWA AJILI YA KITU BORA ZAIDI




108

Luka anatuambia kile Yesu alichokitenda siku ya Sabato:



109

(Fungu: Luka 4:16)  
Akaenda Nazareti, hapo alipolelewa;



110

na siku ya sabato akaingia katika sinagogi kama ilivyokuwa desturi yake, akasimama ili asome. Luka 4:16.  
Biblia yasema kwamba hiyo ilikuwa desturi ya Yesu!



111

Kamusi ya kiingereza ya Webster inasema, Sabato;



112

siku ya saba ya juma (Jumamosi).  
- Webster's New World Dictionary, toleo la chuo la pili.



113

Kama siku ingekuwa imebadilishwa au kusahauliwa kati ya Adamu na Musa, Mungu angeirekebisha wakati alipoandika Amri Kumi pale Sinai.



114

Kama siku ingekuwa imepotea kati ya Musa na Yesu, Kristo kwa hakika angeirekebisha rekodi sawa sawa.



115

Kama siku ingekuwa imebadilishwa wakati wa uhai wa wanafunzi wangukuwa wameandika bayana juu ya hilo.

# 11 - KUUMBWA KWA AJILI YA KITU BORA ZAIDI



116

Na kwa kweli Wayahudi, ambao hutunza kwa makini sana rekodi ya wakati, bado huabudu katika siku ya saba, au Sabato.



117

Kitambulisho cha siku ya kupumzika hakikuwa swali hata kidogo wakati wa maisha ya Yesu hapa Duniani. Pambano lilitokea tu juu ya jinsi gani alivyoitunza. Ma-Rabi walikuwa wameharibu uadhimishaji wa Sabato kwa kuweka masharti magumu na ya kutesa. Yesu alijaribu kuondoa masharti yaliyowekwa na mwanadamu na kuonyesha maana ya utunzaji wa Sabato.



118

Walipomshitaki Yesu kwa kuvunja Sabato kwa sababu aliponya watu siku hiyo , Aliwajibu,



119

(Fungu: Mathayo 12:12)  
...Ni halali kutenda mema siku ya Sabato.  
Mathayo 12:12.



120

Biblia yasema kuwa Yesu aliponya na kuhudumia, Sabato ni kwa ajili ya kutufanya kuwa wakamilifu, kutuweka huru toka kwa hatia, ubaguzi, na uchoyo, na kutupatia amani mawazoni;

Ni kwa ajili ya kuturejesha sisi kwa sura ya Mungu na kutuelekeza kwa Muumbaji wetu!

Hii ndiyo kazi aliyokuja kuifanya Yesu, na ndiyo kazi waliyofanya wanafunzi baada ya kuondoka kwake.




121

Maana ya utunzaji wa Sabato ililelezwa na wafuasi wa Yesu wakati wa kifo chake.

Katika maafa haya, marafiki wa Yesu walipumzika kulingana na amri ya Mungu, wakiiacha kazi ya kuutia mwili mafuta hadi baada ya masaa ya Sabato.


# 11 - KUUMBWA KWA AJILI YA KITU BORA ZAIDI



122

(Fungu: Luka 23:54-56)

Na siku ile ilikuwa siku ya Maandalio, na sabato ikaanza kuingia.



123

Na wale wanawake waliokuja naye toka Galilaya walifuata, wakaliona kaburi, na jinsi mwili wake ulivyowekwa.



124

Wakarudi, wakafanya tayari manukato na marhamu. Na siku ya sabato walistarehe kama ilivyoamriwa. Luka 23:54-56.



125

Siku kabla ya Sabato, tegemeo lao kwa Kristo lilikuwa limevunjwa vunjwa. Walishuhudia akifa kifo cha kikatili msalabani. Ndoto zao na matumaini yao ziliishia katika giza la kaburi.

Walitaka kuupaka mafuta mwili wake uliokufa.



126

(Fungu: Luka 24:1 HNKK)

...Jumapili, alfajiri na mapema, wale wanawake walikwenda kaburini wakichukua yale manukato waliyotayarisha.

Luka 24:1



127

Hebu tuangalie kwa mtizamo mwingine matukio ya siku zile tatu zisizosahaulika.



128

1. Ijumaa: Yesu alikufa; wanawake wakaandaa marhamu na manukato.

# 11 - KUUMBWA KWA AJILI YA KITU BORA ZAIDI



129

2. Jumamosi (siku ya Sabato): Yesu alipumzika kaburini; Wafuasi wake walipumzika.



130

3. Jumapili (siku ya kwanza ya juma): Yesu alifufuka toka kwa wafu! Wanawake walikuja kutia mwili wa Yesu mafuta.

Hakuna mashaka juu ya siku gani ilikuwa ya Sabato wakati wa kifo cha Yesu.



131

(Fungu: Yohana 19:30)

Yesu alining'inia msalabani siku ya maandalio na kulia,

...Imekwisha!....

Yohana 19:30.



132

Kazi yake ya ukombozi ilikuwa imekamilika! Alipumzika ndani ya kaburi siku ya Sabato



133

na akafufuka siku ya Jumapili, siku ya kwanza ya juma.

Hata katika mauti Yesu aliitunza Sabato;

Alipumzika kaburini siku ya Sabato.

Tusimamapo karibu na msalaba, tunapata hisia ya kwamba siku yoyote kati ya siku saba haiwezi kufaa! Kwani kucheza na Sabato ingekuwa ni kucheza na uumbaji, na Sinai, na Kalvari yenyewe!



134

Ndiyo, inadhuru ni siku gani kati ya saba tunayoisherehekea.

Mwandishi mkristo aliyeitwa George Vandeman aliandika:



135

Twawezaje kuwaona wafuasi wake wakikataa kunajisi masaa matakatiifu hata kwa kitendo chao cha kutaka kuonyesha upendo,




# 11 - KUUMBWA KWA AJILI YA KITU BORA ZAIDI




136

twaweze kumuona Yeye akifa katika msalaba kwa sababu sheria isingeweza kumridhia hata kujiokoa maisha yake Yeye mwenyewe-



137

twaweze kusimama katika miali ya nuru ya Kalvari na kusema haidhuru?  
-Siku ya Kukumbuka, uk. 40.



138

Muumbaji alisema Kumbuka, bado wengi sana wanasahau! Lakini hilo halikuwa kusudi la Mungu. Yesu alitegemea kwamba Wakristo wangetunza Sabato wakati wote.



139

(Fungu: Mathayo 24:20)  
Ombeni ili kukimbia kwenu kusiwe siku za baridi au siku ya Sabato!  
Mathayo 24:20.



140

Yesu alitegemea kwamba Wakristo mwaka 70 B.K., wakati Yerusalemi ilipoangamizwa, wangukuwa bado wanaitunza Sabato!



141

(Fungu: Matendo 17:1,2)  
Agano Jipya linayo taarifa kwamba wafuasi wa Yesu waliitunza Sabato baada ya ufufuo:  
Wakafika Thesalonike, ambapo palikuwa na sinagogi la Wayahudi:



142

Na Paulo, kama ilivyokuwa desturi yake, akaingia mle walimo, akahojiana nao kwa maneno ya maandiko Sabato tatu,  
Matendo 17:1,2.  
Katika Sabato nyingine wakati Paulo alipokuwa akihubiri, baadhi ya Wamataifa walikuja na ombi:

# 11 - KUUMBWA KWA AJILI YA KITU BORA ZAIDI



143

(Fungu: Matendo 13:42,44)

...(wamataifa) wakawasihi wawaambie maneno haya sabato ya pili.




144

Hata sabato ya pili, watu wengi, karibu mji wote, wakakusanyika walisikie neno la Mungu.  
Matendo 13:42, 44.



145

Kwa kweli, kitabu cha Matendo kinazo taarifa za mikutano 84 ambayo Paulo aliiendesha siku za Sabato.



146

Sabato inakwenda kama uzi wa dhahabu tokea Mwanzo hadi kitabu cha Ufunuo, kinachowaeleza wale ambao wamejiandaa kukutana na Yesu ajapo mara ya Pili!



147

(Fungu: Ufunuo 14:12)

Hapa ndipo penye subira ya watakatifu: hao wazishikao amri za Mungu, na imani ya Yesu.  
Ufunuo 14:12.



148

(Fungu: Yohana 14:15)

Yesu alisema,  
Mkinipenda mtazishika amri zangu.  
(Yohana 14:15)  
na moja ya amri hizo inatuambia  
ikumbuke siku ya Sabato



149

Kama tukimwabudu Mungu Muumbaji wetu katika Sabato ya siku ya saba kila juma, hatutasahau kamwe tulipotokea au aliyetuumba pamoja na ulimwengu unaotuzunguka.

# 11 - KUUMBWA KWA AJILI YA KITU BORA ZAIDI



150

Kama tukiitunza Sabato kila juma, hatutahitaji kushangaa ya kwamba sisi ni nani - wana na binti za Mungu, Mfalme wa ulimwengu!



151

Hatutahitaji kushangaa kamwe jinsi gani tulifika hapa - tupo hapa kwa sababu Mungu alitutaka, kwa sababu alituumba.



152

Yesu huyo huyo anayekuomba kukumbuka ananyoosha mikono yake kwako leo - mikono ambayo ilipata kupigiliwa kwenye msalaba wa Kalvari kwa ajili ya dhambi zetu-na anaita kwa upole, Nifuate.



153

Je, utamfuata Muumbaji wako sasa?  
Je, utaitii amri yake na kuikumbuka siku ya Sabato aliyoiumba kwa ajili yako?  
Je, utamwabudu Yeye kila juma kuanzia sasa na kuendelea wakati Sabato ifikapo kila siku ya saba?  
Je, utafuata mfano wa Yesu na mitume katika kumwabudu Muumbaji wako katika Sabato ya siku ya saba?

# 11 - KUUMBWA KWA AJILI YA KITU BORA ZAIDI

---



154

Sabato si swala tu la siku gani tunayoabudu rafiki. Ni swala la kumfuata Yesu njia yote. Ni swala la kusimama pamoja na Adamu na Hawa walipokuwa wakiabudu ndani ya Edeni katika Sabato ya kwanza.

Ni swala la kutii amri ya Mungu pamoja na Musa wakati Mungu aliposema, Ikumbuke siku ya Sabato uitakase.

Ni swala la kuabudu katika siku moja pamoja na Isaya, Yeremia, Danieli na mashujaa wote wa imani wa Agano la Kale.

Ni swala la kumtukuza Mungu kila Sabato kama Muumbaji wa vyote pamoja na Petro, Yakobo na Yohana.

Ni swala la kuwa sehemu ya watu wa Mungu wa wakati wa mwisho, ambao kulingana na Ufunuo, wanazitunza amri.

Je, ungependa kusema, Ndiyo, Yesu, Nitasimama pamoja nawe. Nitakupa nafasi ya kwanza.

Nitakufuata njia yote.

Kama hii ndiyo tamaa yako, inua mkono wako tunapoomba.